

INUIT ATAQATIGIIT

Inatsisartuni



3. april 2017

Inatsisartut suleriaasianni § 37 naapertorlugu Naalakkersuisunut imaattunik apeqquaqarpunga:

- 1. Annertuumik innarluuteqalersimasut annertuumillu innarluutillit ulloq unnuarlu nakkutigisassat angajoqqaavisa imaluunniit perorsaasutut akisussaasuusut suliffeqanngitsut suliffissaqanngitsulluunniit taakkununga sulisutut akissarsiaqartinneqarsinnaaneri periarfissaqarpa?**
- 2. Periarfissaqanngippat ukiamut innarluutillit pillugit inatsit nutarterneqalerpat ilanngunneqarsinnaasumik periarfissiisoqarnissaa naalakkersuisut qanoq tigoruppaat**

(Inatsisartuni Ilaasortaq Hans Aronsen, Inuit Ataqatigiit)

Tungavilersuut:

Assersuutingalugu Kangaatsiami nunaqarfimmiluunniit najungalinni suliffissaqarpallaanngitsunilu annertuumik innarluutilimmik ulloq unnuarlu nakkutigisassaasumik angajoqqaajusut ilungersunartorujussuarmik killittarput.

Kommunimiik allanillu ikiorsiissutinik pisaraluarlutik arlalinnillu meeraqarunik atungarliortorujussuusarmata, ilaatigut iniminnut akiliisinnaajunnaarsinnaasarlutik allaat anisitaasinnaasarlutik! Tamanna ajorluinnarpoq!

Angajoqqaatut allatuulli suliffeqarnikkut aningaasarsiornermini meeqqatillu inuunerissaarutaasinnaasunik sunilluunniit allanut sanilliullugit atungassaqaanngiivittunut ilungersunarunaqaaq.

Angajoqqaat annertuumik innarluutilimmut sullissisutut aningaasarsiaqalerneru immaga qallunaatut taaneqartoq (borger løn) malillugu pitsaasuussaqaq, meeqqap angajoqqaaminik pisariaqartitsinera eqqarsaatigiinnarluguluunniit.

Apeqquut ullut qulit iluanni akineqarsinnaaguni qujanassaqaq malitassaammammi.